



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՆԵՐՔԻՆ ԳՈՐԾԵՐԻ ՆԱԽԱՐԱՐ  
ՀՐԱՄԱՆ**

**№ 27 -Լ**

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԵՐՔԻՆ ԳՈՐԾԵՐԻ ՆԱԽԱՐԱՐՈՒԹՅԱՆ  
ՄԻԳՐԱՑԻԱՅԻ ԵՎ ՔԱՂԱՔԱՑԻՈՒԹՅԱՆ ԾԱՌԱՅՈՒԹՅԱՆ ԵՎ ՀԱՅԱՍՏԱՆԻ  
ՀԱՆՐԱՊԵՏՈՒԹՅԱՆ ՆԵՐՔԻՆ ԳՈՐԾԵՐԻ ՆԱԽԱՐԱՐՈՒԹՅԱՆ ՀԱՇՎԱՌՄԱՆ-  
ՔՆՆԱԿԱՆ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ, ԹՈՒՅԼՏՎՈՒԹՅՈՒՆՆԵՐԻ ԵՎ  
ԼԻՑԵՆԶԱՎՈՐՄԱՆ ՎԱՐՉՈՒԹՅԱՆ ԿՈՂՄԻՑ 2025 ԹՎԱԿԱՆԻ ԱՊՐԻԼ ԱՄՍՎԱ  
ՇՐՋԻԿ ՍՊԱՍԱՐԿՄԱՆ ԳՐԱՍԵՆՅԱԿՆԵՐԻ ՄԻՋՈՑՈՎ ՄԱՏՈՒՑՎՈՂ  
ԾԱՌԱՅՈՒԹՅՈՒՆՆԵՐԻ ԺԱՄԱՆԱԿԱՑՈՒՅՑԸ ԵՎ ԵՐԹՈՒՂԻՆ  
ՍԱՀՄԱՆԵԼՈՒ ՄԱՍԻՆ**

Ծառայությունների մատուցումը քաղաքացիներին և Հայաստանի Հանրապետությունում ժամանակավոր պաշտպանություն ստացած անձանց առավել հասանելի դարձնելու նպատակով և հիմք ընդունելով Հայաստանի Հանրապետության վարչապետի 2023 թվականի մարտի 14-ի թիվ 270-Լ որոշմամբ հաստատված հավելվածի 19-րդ կետի 20-րդ ենթակետը.

**Հ Ր Ա Մ Ա Յ ՈՒ Մ ԵՄ՝**

1. Սահմանել Հայաստանի Հանրապետության ներքին գործերի նախարարության միգրացիայի և քաղաքացիության ծառայության (այսուհետ՝ ՀՀ ՆԳՆ ՄԲԾ) և Հայաստանի Հանրապետության ներքին գործերի նախարարության հաշվառման-քննական ծառայությունների մատուցման, թույլտվությունների և լիցենզավորման վարչության (այսուհետ՝ ՀՀ ՆԳՆ ՀՔԾՄԹԼՎ) կողմից 2025 թվականի ապրիլ ամսվա շրջիկ սպասարկման գրասենյակների միջոցով մատուցվող ծառայությունների հետևյալ

ցանկը՝

1) ՀՀ ՆԳՆ ՄՔԾ կողմից՝

ա. անձնագրի փոխանակում,

բ. հանրային ծառայությունների համարանիշի տեղեկանքի տրամադրում,

գ. հաշվառման տեղեկանքի տրամադրում,

դ. ժամանակավոր պաշտպանության վկայականի տրամադրում և (կամ) փոխանակում,

ե. հաշվառումից հանում,

զ. Լեռնային Ղարաբաղից տեղահանված անձանց Հայաստանի Հանրապետության քաղաքացիություն ստանալու դիմումների ընդունում,

է. անձնագրերի մասին տեղեկանքի դիմումի տրամադրում,

ը. խորհրդատվության տրամադրում.

2) ՀՀ ՆԳՆ ՀՔԾՄԹԼՎ կողմից՝

ա. տրանսպորտային միջոցի սեփականության վկայականի փոխանակում կամ կորստի դեպքում նորի տրամադրում,

բ. տրանսպորտային միջոցի հաշվառման վկայագրի փոխանակում կամ կորստի դեպքում նորի տրամադրում,

գ. տրանսպորտային միջոցի հաշվառման վկայագրում անձնագրային տվյալների փոփոխություն,

դ. տրանսպորտային միջոցի խոտանում,

ե. տրանսպորտային միջոցի հաշվառման ժամանակավոր կասեցում,

զ. սահմանափակումների մասին տեղեկանքի տրամադրում,

է. վարորդական իրավունքի վկայականի փոխանակում կամ կորստի դեպքում նորի տրամադրում:

2. ՀՀ ՆԳՆ ՄՔԾ պետ Նեյի Դավթյանին և ՀՀ ՆԳՆ ՀՔԾՄԹԼՎ պետ Արարատ Թևոսյանին՝ շրջիկ սպասարկման գրասենյակների միջոցով ծառայությունների մատուցումը քաղաքացիներին և Հայաստանի Հանրապետությունում ժամանակավոր պաշտպանություն ստացած անձանց առավել հասանելի դարձնելու նպատակով համագործակցել պետական կառավարման և տեղական ինքնակառավարման մարմինների հետ՝ փոխհամաձայնեցված ժամանակացույցով՝ Հայաստանի Հանրապետության ներքին գործերի նախարարության լիազորությունների շրջանակում ծառայություններ մատուցելու համար:

3. Հաստատել 2025 թվականի ապրիլ ամսվա շրջիկ սպասարկման գրասենյակների միջոցով մատուցվող ծառայությունների ժամանակացույցը և երթուղին հետևյալ հաջորդականությամբ՝

1) ապրիլի 3-ին՝ Արմավիրի մարզի Ամբերդ և Դաշտ համայնքներ՝ դիմումների ընդունման և խորհրդատվության տրամադրում.

2) ապրիլի 3-ին՝ Արագածոտնի մարզի Արագած համայնք՝ դիմումների ընդունման և խորհրդատվական ծառայությունների մատուցման աշխատանքներ.

3) ապրիլի 4-ին՝ Արմավիրի մարզի Երվանդաշատ համայնք՝ դիմումների ընդունման

և խորհրդատվության տրամադրում.

4) ապրիլի 4-ին՝ Արագածոտնի մարզի Ծիլքար համայնք՝ դիմումների ընդունման և խորհրդատվական ծառայությունների մատուցման աշխատանքներ.

5) ապրիլի 11-ին՝ Արմավիրի մարզի Ամբերդ, Դաշտ և Երվանդաշատ համայնքներ՝ ապրիլի 3-ին և 4-ին ընդունված դիմումների շրջանակներում փաստաթղթերի հանձնման աշխատանքներ.

6) ապրիլի 11-ին՝ Արագածոտնի մարզի Արագած և Ծիլքար համայնքներ՝ ապրիլի 3-ին և 4-ին ընդունված դիմումների շրջանակներում փաստաթղթերի հանձնման աշխատանքներ.

7) ապրիլի 10-ին՝ Վայոց Ձորի մարզի Եղեգնաձոր համայնք՝ դիմումների ընդունման և խորհրդատվական ծառայությունների մատուցման աշխատանքներ.

8) ապրիլի 17-ին՝ Վայոց Ձորի մարզի Եղեգնաձոր համայնք՝ ապրիլի 10-ին ընդունված դիմումների շրջանակներում փաստաթղթերի հանձնման աշխատանքներ.

9) ապրիլի 17-ին՝ Կոտայքի մարզի Գառնի համայնք՝ դիմումների ընդունման և խորհրդատվության տրամադրում.

10) ապրիլի 25-ին՝ Կոտայքի մարզի Գառնի համայնք՝ ապրիլի 17-ին ընդունված դիմումների շրջանակներում փաստաթղթերի հանձնման աշխատանքներ:

4. Հայաստանի Հանրապետության ներքին գործերի նախարարի մամուլի քարտուղար, հանրային հաղորդակցության և իրազեկման վարչության պետ Նարեկ Սարգսյանին՝ 2025 թվականի ապրիլ ամսվա շրջիկ սպասարկման գրասենյակների միջոցով մատուցվող ծառայությունների սահմանված ժամանակացույցի և երթուղու վերաբերյալ իրականացնել հանրային իրազեկման աշխատանքներ:

5. Հայաստանի Հանրապետության ներքին գործերի նախարարության գլխավոր քարտուղար Արա Ֆիդանյանին՝ շրջիկ սպասարկման գրասենյակների աշխատանքների իրականացման ընթացքում կազմակերպել գործուղումների պլանավորումը և ֆինանսական միջոցների հատկացման գործընթացները:

6. Սույն հրամանի կատարման նկատմամբ հսկողությունը վերապահել Հայաստանի Հանրապետության ներքին գործերի նախարարի տեղակալ Արմեն Ղազարյանին:

**ԱՐՓԻՆԵ ՍԱՐԳՍՅԱՆ**  
**03.04.2025թ.**

**ՀԱՍՏԱՏՎԱԾ Է**  
**ԷԼԷԿՏՐՈՆԱՅԻՆ**  
**ՍՏՈՐԱԳՐՈՒԹՅԱՄԲ**